



O'ZBEKISTON OVOZI

SHU AZIZ
VATAN —
BARHAMIZNIKI!

IJTIMOIIY-SIYOSIIY GAZETA

• 2010-yil • 26-yanvar • Seshanba • 11 (30.131) • www.uzbekistonovozi.uz • 1918-yil 21-iyundan chiqa boshlagan

Муносабат

Комиллик йўлларида

Баркамол авлод йилининг мазмуни, моҳияти, кўлами, қамрови ва аҳамияти ҳақида мулоҳазалар

Авалло баркамол авлод деган иборанинг луғавий маъносига тўхтаб ўтсак. Икки сўздан иборат бу бирикманинг биринчи қисми — баркамол — жисмоний ва ақлий жиҳатдан камолотга эришган, вояга етган деган маъно англатади. Иккинчи қисми — авлод — бугун яшаб турган барча насл маъносини билдиради. Ҳозир туғилган чақалоқдан тортиб энг кекса кишиларгача бугунги наслдир. Унга нисбатан кекса авлод, ўрта авлод, ёш авлод деган иборалар қўлланилади.

Энди баркамол деган сўзининг луғавий маъносига тўхталмиш. Бу сўзнинг ўзаги камол — тўлиқлик, мукамаллик, тўқислик маъноларини ифодалайди. Баркамол дегани ҳар томонлама етук деган маънони билдиради.

Камолот сўзининг ўзаги ҳам камолдир. У етуклик, мукамаллик маъноларини ифодалаши баробарида юксалиш, ривожланиш, тараққиёт маъноларини ҳам билдиради.

Шу маънода, «Баркамол авлод йили» мазмуни чуқур ва қамрови кенг, моҳияти шарафли, аҳамияти улкан, муддати эса чекланмаган, десак, тўғри бўлади. Чунки ҳаёт тўқтовсиз жараён, доимо ўзгаришда, демек, авлод тарбияси ҳаммаши диққат қилишни, эътиборда тутишни талаб этади. Шунинг учун ҳам инсоният вужудга келибдики, етукликка, яъни баркамолликка эришиш учун курашиб келади. Узоқни кўзлаган давлат раҳбарлари, ула-



мою фузалолар, олиму орифлар, илгор зиёлилар ҳаммаша миллат камолоти йўлида фидойилик ва ибрат намуналарини кўрсатган.

2-бет >>>

Сайлов сабоқлари

Кураш давом этади

Сайлов жараёнлари ортида қолди, аммо сайловчилар, электорат ишончини оқлаш учун кураш давом этади. Бунинг учун депутатларимиздан фаоллик, салоҳиятини амалий ишларга йўналтириш, ижтимоий масалаларни ҳал этишда дадил ташаббуслар кўтариб чиқиш талаб этилади

Сайловларга тайёргарлик, номзодлар кўрсатиш, тарғибот-ташвиқот ишлари, қизгин тортишувлар билан кечган жараёнлар тарихга айланди. Сайловчилар ўз сўзларини айтдилар, муносиблар орасидан энг муносибларини қўллаб-қувватлаб овоз бердилар.

Бугун Жиззах вилояти мисолида сайлов якунларига назар ташлаб, айрим масалаларга эътибор қаратмоқчимиз. Худуддаги Олий Мажлис Қонунчилик палатасига сайлов ўтказилган 5 та округдан бирортаси бўйича ҳам партиямиздан кўрсатилган номзодлар етарли

овоз ололмадилар. Демак, мазкур босқичда номзодларни танлаш, уларни ўрганиш, тавсия этиш, бу борада фаолларимиз, электоратимиз фикр-мулоҳазаларини инобатга олиш билан боғлиқ ишларимизда масалага жиддий ёндашмаслик, сусткашлик, бирёқдамлик ҳо-

2-бет >>>

Ўз мухбирларимиз хабар қилади

Коллеж учун янги бино

Бухоро шаҳрида Мухтор Ашрафий номидаги санъат коллежининг янги биноси қуришмоқда. 360 ўқувчига мўлжалланган мазкур билим даргоҳи қурилишида бош пудратчи «2-Бухорожамоақурилиш» трестининг 47-кўчма механизациялашган жамланмаси бунёдкорлари ҳисобланишади.

— Орузимиз амалга ошадиган бўлди, — дейди коллеж директори, ЎзХДП фаоли Бахтиёр Ярашев. — Ўқувчилар ҳамма шароитлардан — концерт зали, машғулот хоналари, ахборот-ресурс маркази каби имкониятлардан баҳраманд бўладиган бўлишди.

Бош пудратчи прораби Шухрат Норовнинг таъкидлашича, қиймати 4 миллиард 880 миллион сўм бўлган ҳамда Бухоро мейморий ёчимлари асосида бунёд этилаётган санъат кошонаси яқин ойлар ичида фойдаланишга топширилади.

Даврон БАХРОНОВ

Ёркатай — Уйчи туманидаги йirik қишлоқлардан бири. 21 мингдан ортқ аҳоли истиқомат қилаётган қишлоқда 6 та корхона ишлаб турибди.

2009 йилнинг сўнгги кунларида ишга туширилган «Мега Текстиль» хорижий корхонасида 100 нафар қишлоқ ёшлари доимий иш билан таъминланди.

Туркиядаги «Ахмад-Агреш» фирмаси томонидан 1,5 миллион доллардан зиёдрок инвес-

Ёркатайдан — дунёга

тиция киритилиб, Германияда ишлаб чиқарилган дастгоҳлар келтириб ўрнатилган.

Корхонада йилига 1400 тонна пахта толасидан 1200 тонна калава ип ишлаб чиқарилади. Дастгоҳлар тўла қувват билан ҳаракатга келтирилгач, 210 кишини доимий иш билан таъминлай олади.

Айни пайтда уч сменада 500 килограмм атрофда маҳсулот тайёрлашга эришаётган корхонада ишлаб чиқариш

сифати ҳамкор мутахассислар томонидан ҳам юқори баҳоланмоқда.

— Шу йилнинг ўзида 70 фоиз қувватни ўлаштиради, — дейди корхона ижрочи директори Исроилжон Юсупов. — Йилнинг иккинчи ярмидан ишчилар сафи яна 90 нафарга кенгайди. Маҳсулотимизни асосан экспортга чиқарамиз, экспортларга кўра йил якунигача рентабелликни 8 фоиздан оширамиз.

Носиржон ДЕҲҚОНОВ

Интеллектуал майдон эгалари

«Интеллектуал билим, интеллектуал бойликка интилиш ҳар қайси миллат ва давлат учун кундалик ҳаёт мазмунига айланмаса — бундай давлат жаҳон тараққиёти йўлидан четда қолиб кетиши муқаррар».

4-бет >>>

Ўзбекистон Халқ демократик партияси жамиятда ижтимоий бирдамлик муносабатлари қарор топишига, муҳим ижтимоий дастурлар тўла ижро этилиши ва аҳолининг ижтимоий ҳимояланганлиги даражаси ошишида ижтимоий институтларнинг фаол иштирок этишини рағбатлантириш учун зарур шарт-шароитлар яратилиш тарафдоридир.

Депутатлар тимсолида

сиёсий партия ўз дастурий мақсадларини амалга оширишининг қонуний воситасини кўради

— Парламент мамлакатнинг бугуни ва эртаси қандай бўлишини ҳал қиладиган қонулар ҳамда бошқа ҳужжатларни қабул қилади. Шу юрда яшайдиган ҳар бир фуқаронинг ҳаёти, фарзандларининг келажаги, орзуларининг амалга ошиши, ҳар жиҳатдан парламент қабул қиладиган қонуларга боғлиқ.

Қайси сиёсий партия, ҳаракат ёки худуддан сайлангандан қатъи назар, Олий Мажлис Қонунчилик палатасининг ҳар бир депутати, Сенатнинг ҳар бир аъзоси кўриб чиқилаётган масалаларга, аввало, мамлакат, халқ, давлат манфаати нуқтаи назаридан ёндашиши талаб этилади. Қонунчилик палатасининг 135 нафар депутати сиёсий партиялардан сайланган. ЎзХДП вакиллари уларнинг 32 нафарини ташкил этади. Депутатлар тимсолида сиёсий партия ўз дастурий мақсадлари, Сайловолди ҳужжатларини амалга оширишининг асосий қонуний воситаларини кўрар экан, зиммамизда улкан масъулиятли вакиллар борлигини бир дам ҳам унутмаслигимиз керак.

Мен иккинчи марта Олий Мажлис Қонунчилик палатаси депутати этиб сайландим. Таъкидлашим керакки, ўтган муддат давомида парламент куйи палатасида ташкил этилган фракциямиз фаол ишлади. Биз профессионал депутатлар сифатида мубайян тажриба тўпладик, ташаббуслар билан чиқдик. Аммо қиладиган, олдимизда турган ишлар ҳали жуда кўп. Аввало, сайловчилар, электоратимиз ишончини оқлашимиз талаб этилади. Партиямиз аҳолининг ижтимоий муҳофазага мутож қат-

Анвар БОЙКУЛОВ,
Олий Мажлис
Қонунчилик палатаси депутати,
ЎзХДП фракцияси аъзоси



лами манфаатларини ҳимоялашни ўзининг асосий вазифаси сифатида белгиланган. Табиийки, бу масала тегишли қонун ҳужжатларини янада такомиллаштириш, янги қонун ҳужжатларини қабул қилиш, соҳага оид давлат ва хўжалик бошқаруви органларининг масъулиятини ошириш орқали амалга оширилади. ЎзХДП Дастури ва Сайловолди дастурида бу йўналишда қилиниши зарур бўлган аниқ вазифалар белгиланган. Уларни бажариш учун бизда қонуний асослар ҳамда воситалар етарли. Янги сайланган депутатларимиз ҳам катта ҳаётий, касбий тажрибага, салоҳиятга эга кишилар экани мақсадга эришишда муҳим омил ҳисобланади.

Ҳокимлар ўқуви

Ўзбекистон Республикаси Президенти ҳузуридаги давлат ва жамият қурилиши академиясида Жиззах, Сирдарё, Тошкент вилояти ва Тошкент шаҳар ҳокимларининг ўринбосарлари, маънавий-матридий ишлар бўйича ёрдамчилари, туман ва шаҳарлар ҳокимларининг минтақавий семинари бошланди.

Семинарнинг очилишида мазкур академия ректори Қ.Назаров Президентимиз Ислам Каримов раҳнамолигида барча жабҳаларда изчиллик билан амалга оширилаётган ислохотлар ҳуқуқий демократик давлат, кучли фуқаролик жамияти қуриш, халқимиз учун обод ва фаровон ҳаёт барпо этиш, юртимизнинг жаҳон ҳамжамиятидан муносиб ўрин олишидек эзгу мақсадларга хизмат қиладиганини таъкидлади.

Тараққиётнинг ўзбек модели сифатида эътироф этилаётган ислохотлар тадрижийлиги, босқичма-босқичлиги, чуқур илмий асослангани, аҳолини аниқ ва манзилли таразда ижтимоий ҳимоялашга йўналтирилгани билан аҳамиятлидир. Бу жиҳатлар миллий давлатчилигимиз асосларини мустаҳкамлаш, инсон ҳуқуқ ва эркинликларини қарор топтириш, барқарор тараққиётни таъминлаш, иқтисодий ислохотларни чуқурлаштириш ва суръатларини муттасил ошириб бориш, баркамол авлоднинг вояга етказиш, таълим-тарбия, маънавий-маърифий соҳаларда ўзининг яқол ифодасини топаётди. Айни пайтда барча жабҳалардаги туб ижобий ўзгаришлар халқимиз, айниқса, ёшларнинг дунёқараши, онгу шуури ва тафаккури, ҳаётта муносабати, атрофда юз бераётган воқеаларга дахлдорлик туйғусининг тобора юксалиб бораётгани билан уйғун кечмоқда.

Шиддат билан ўзгараётган бугунги мураккаб давр маҳаллий ҳокимликлар, вазирилик ва идоралар, жамоат ташкилот-

ларининг раҳбарларидан долзарб вазифаларни ҳал этиш, ўз билимининг муттасил бойитиб, янгилаб, мустаҳкамлаб боришни, қатъиятлик, ташаббускорлик, фидойилик ва маънавий уйғоқлиқни талаб этмоқда.

Ун кун давом этадиган ушбу семинарда тингловчилар давлатимиз раҳбарининг Ўзбекистон Республикаси Конституцияси қабул қилинганнинг 17 йиллигига бағишланган тантанали маросимдаги маърузаси, «Юксак маънавият — енгилмас куч» асарининг мазмуни-моҳияти, уларда белгилаб берилган асосий вазифаларнинг ижроси билан боғлиқ масалалар юзасидан фикр алмашдилар. Ушбу семинарда турли вазирилик ва идоралар раҳбарлари иштирокида Ўзбекистонда демократияни мустаҳкамлаш, фуқаролик жамиятини барпо этиш, юксак маънавиятни шакллантириш, иқтисодий ислохотларни чуқурлаштириш ва мамлакатни барқарор ривожлантиришининг асосий вазифалари, қишлоқ ҳўжалигида иқтисодий ислохотларнинг муҳим йўналишлари, таълим, соғлиқни сақлаш, маънавий-маърифий соҳалардаги туб ижобий ўзгаришлар, ташқи сийбас ва мамлакат хавфсизлигини таъминлашнинг устувор вазифаларига оид маърузалар тингланади ва муҳокама этилади.

Семинарнинг очилишида Ўзбекистон Республикаси Президентининг Давлат маслаҳатчиси И.Абдуллаев сўзга чиқди.

Назозат УСМОНОВА,
Ўза мухбири

ВАТАН ИСТИҚБОЛИГА МАСЪУЛИМИЗ

ВАЙРОНАЛАР ОСТИДА

ШОҲСУПА САРИ ЙУЛ

TOSHKENT XALQARO AEROPORTI

